

PRESS RELEASES

Media : **Berita Harian**

Date : **13 October 2009**

Title : **Dr Siew Wai Lin terima Anugerah Karya Saintis Terbaik**

Hasilkan produk Novelin mesra alam

SERDANG: Penyelidik MPOB, Dr Siew Wai Lin dipilih memenangi Anugerah Karya Saintis Terbaik bagi produk Novelin hasil penyelidikannya bagi Anugerah Industri Komoditi 2009 yang diadakan baru baru ini.

Anugerah itu adalah anugerah yang diberikan kepada mereka yang berjaya mengharumkan industri komoditi sebagai pengiktirafan oleh industri dan Kementerian Perusahaan Perladangan dan Komoditi (KPPK).

Trofi Anugerah Industri Komoditi 2009 itu telah disampaikan oleh Menteri Perusahaan Perladangan dan Komoditi, Tan Sri Bernard Dompok pada majlis khas sempena majlis perasmian penutupan MICCOS 2009 baru baru ini.

Dr Siew Wai Lin dan produknya Novelin dipilih memenangi anugerah itu berdasarkan produk itu mempunyai kelebihan nilai daya ciptaan, penerimaan pengguna, inovasi, kesan ke atas alam sekitar dan pengiktirafan yang diterima sehingga kini.

Melalui kemenangan itu, Dr Siew Wai Lin menerima hadiah wang tunai RM3,000 berserta sijil penghargaan.

Ketika ditemui beliau berkata, Novelin boleh digunakan untuk memasak, sebagai ramuan salad dan dijual di pasaran dengan harga yang berpatutan.

“Novelin ini mempunyai kehebatan sama dengan minyak zaitun dari segi kandungan vitamin E yang baik untuk kesihatan luaran dan dalaman setiap pengguna.”

“Ia juga melalui pemprosesan tanpa penggunaan haba dan tidak dicampur dengan bahan tambahan lain yang membahayakan kesihatan pengguna,” katanya.

Inovasi produk ini sudah dikomersialkan dan ketika ini ia dikeluarkan oleh syarikat ACE Edible Oil Industries Sdn Bhd dan selain dipasarkan di pasaran tempatan, ia juga di eksport ke Korea, Jepun dan China.

Beliau berkata, kajian klinikal mendapati produk NoveLin ini baik untuk kesihatan jantung. Pengambilan NoveLin mampu merendahkan kandungan kolesterol tidak baik dan pada masa yang sama meningkatkan kolesterol baik. Kombinasi ini sangat baik untuk kesihatan jantung.

Penerima lain ialah Jenderata Estet (Pengurusan Ladang Terbaik), Ahmad Sidek (Pekebun Kecil Terbaik), Bintulu Edible Oil SB (Kilang Pemprosesan Terbaik), Dazzle Food SB (Perusahaan Kecil Sederhana Terbaik), G.C.B Food SB (Pembangunan Jenama Terbaik), All Cosmos Industries SB (Inovasi Pengeluaran Produk Terbaik) dan Ladang Seborne (Pengamal CSR Terbaik).